

Izjava komisije Buldozer

Regionalne komisije u okviru inicijative Buldožer, jedinice za hitne reforme na nivou BiH, entiteta i Distrikta Brčko, kao i predstavnici novoformiranog Udruženja poslodavaca BiH, susreli su se ovog vikenda u Neumu na prvoj plenarnoj sjednici Faze III inicijative Buldožer. Razgovarano je o 60 prijedloga od kojih je odobreno njih 15, dok će se o 12 prijedloga razgovarati na drugoj plenarnoj sjednici koja će se održati slijedećeg mjeseca.

Prijedlozi sežu od administrativnih promjena koje će pospješiti ulaganje u BiH do promjena koje će olakšati, recimo, registriranje novih apoteka. Jedan od prijedloga u okviru reforme je usmjeren ka snižavanju cijene zemljišta za izgradnju, dok je drugi zamišljen sa ciljem da se ukloni dvostruko oporezivanje. Takođe postoje prijedlozi kojim bi se uklonile diskriminatorne odredbe u uslovima tendera, te uskladio režim izdavanja dozvola preduzećima za prevoznike usluge u oba entiteta.

“Sastanak održan ovog vikenda predstavlja veoma dobar početak za Fazu III inicijative Buldožer. U razgovorima smo se fokusirali na praktične promjene koje će unaprijediti poslovno okruženje u BiH, i tako pomoći u otvaranju novih radnih mjesta”, rekao je Esad Ibišević, predstavnik Udruženja poslodavaca BiH.